



## Universitätsbibliothek Paderborn

**Instrvctio R.P. Ignatii Balsamonis Societatis Iesu,  
Theologi. De Perfectione Religiosa, Et De Vera Recte  
Orandi & meditandi methodo**

Balsamo, Ignazio

Coloniæ Agrippinæ, 1612

Cap. XIX. Modi meditandi passionem Dominicam.

[urn:nbn:de:hbz:466:1-48888](#)

tas, quarum quælibet quinque pur-  
cta continet ex Pueritia, vita, & Pas-  
sione Christi de sumpta frequentare.

MODI MEDITANDI PAS-  
SIONEM DOMINICAM.

CAP. XIX.

**P**RIMVS est. Ordiri à cæna no-  
uissima, & quotidie mysterium  
aliquid iuxta ordinem textus  
Euangelici usque ad mortē & sepul-  
turam Christi meditandum sibi pro-  
ponere: vti fecerunt P. Lud. de Ponte  
part. 4. S. Bonauentura, Loartes, Co-  
sterius & alij.

II. Passionem Dominicam in septē  
partes distribuere, & omni hebdo-  
mada totam meditando percurrere  
exemplo S. Bonauenturæ, Ludouici  
Granatensis & aliorum.

III. Totidem de illa meditationes  
formare, quot fuerunt diuersa loca,  
in quibus tormentoru aliquid Chri-  
stus pertulit, quotidie quasi statio-  
nem uno in loco faciendo. 1. In *cæna*-  
*culo* in quo nouissima cæna peracta  
est,

est, vbi magnam in spiritu turbationem & tristitiam sensit. 2. In horto. 3. Apud Annam. 4. Apud Caipham. 5. In domo Pilati. 6. In domo Herodis. 7. Iterum apud Pilatum. 8. In itinere ad montem Caluariæ cum baiularet Crucem. 9. In monte Caluariæ.

**IV.** Meditari septem verba, quæ Christus tribus horis in Cruce pendens protulit, quæque ab omni Christiano memoriæ commendanda, ac sedulò reuoluenda essent.

1. Pater dimitte illis, quia nesciunt quid faciunt.

2. Ad Latronem: Amen dico tibi hodie mecum eris in Paradiſo.

3. Ad matrem: Mulier ecce filius tuus, &c.

4. Deus meus, Deus meus ut quid dereliquisti me?

5. Sitio.

6. Consummatum est.

7. Pater in manus tuas commendabo spiritum meum.

**V.** Posset sibi aliquis ex tota Passione duodecim mysteria ad meditandum pro libitu feligere, quemadmodum

dum

dum fecit P. Fulvius Androtius.<sup>1</sup>

VI. Meditari tria pœnarū genera quæ Christus pertulit, nimirū quid in anima, in corpore, in honore sustinuerit, & vñūquodq; punctum in vnā vel plures meditationes partiri: materia eorum vel ex sacris Euangeliorum libris, vel ex pio aliquo libro hac de retractanti sumi poterit.

VII. Considerare hæc quatuor: videlicet, *quis sit, qui patitur: qualia patiatur: pro quibus: & quomodo;* eaque vna vel pluribus meditationibus absoluere. Possunt itē quatuor hæ considerationes, in omnibus de Dominicæ Passione meditationibus adhiberi. Et quamuis aliqui horum modorum, videantur potius esse puncta meditationum, sunt nihilominus etiam diversi modi meditandi.

VIII. Possimus eandē Christi Passionem meditari varios in fines, prout diuersos ex ea affectus elicere desideramus: vti P. Ludou. de Ponte, in p. 4. meditat. S. Bonaventura in libello quæ Stimulū amoris inscripsit, & post illum Dionys. Cartusianus, Granatensis

tensis, Loartes & alij docent.

1. Ad compatiendum Christo, si cōsideremus acerbitatem tormentorum eius.

2. Ad contritionem de peccatis cōcipiendum, si perpendamus illū pro sceleribus nostris expiandis, mortem omnium ignominiosissimam oppetuisse.

3. Ad imitandum, si animo reuolumus, Christum passum esse ut nobis relinqueret exemplum, ut sequemur vestigia eius.

4. Ad gratias agendum, si consideremus beneficij huius magnitudinem & excellentiam.

5. Ad amandum, si mente pertrahemus ineffabilem illam charitatem, quam in hoc opere nobis exhibuit.

6. Ad Spē concipiendā, si intueamur eum peccatorum nostrorum expiandorum, & salutis nostræ causam mortem suscepisse.

7. Ad admirandum si obstupescamus de immēsa illius bonitate & dilectione.

Possimus autem qualibet hebdomada

mada omnes hosce fines in consideranda Christi passione semel percurrere , si quotidie vnum ex illis nobis proponamus , vel si ad vnum quodque dominicæ passionis punctum , vnum vel plures ex hisce affectibus in nobis suscitemus .

---

MODI MEDITANDI DE SACRO SANCTO EUCHARISTIAE SACRAMENTO.

CAP. XX.

D E sacro sancto Eucharistiae Sacramento , varia possunt in meditationem assumi .

I. Historia .

1. Quomodo videlicet Agnum Paschalem cum Apostolis manduauerit .
2. Quomodo pedes illorum lauerit .
3. Quomodo sanctissimum hoc sacramentum instituerit , & Apostolis distribuerit .

II. Nomina .

Quæ sunt . Eucharistia . Sacramentum . Communio . Panis . Sacrificium . Vtaticum .

III. Figu-